



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1351 usque ad annum 1414

Fleury, Claude

August. Vind. [u.a.], 1768

VD18 90118278

§. 17. Papæ decreta.

[urn:nbn:de:hbz:466:1-66293](https://nbn-resolving.org/urn:nbn:de:hbz:466:1-66293)

Antiffiodorum, sæcul. XIV. A.C. 1353. de la Forêt Gall. Christ. to. 3. p. 606. cuius Antistes Petrus Crofius paulo ante designatus erat Cardinalis, ac Petrus * Sylvius Tornacensis Præful Parisios translati sunt. Tunc moris erat, ut Cardinales ab Ecclesia, quam rexerant, nomen traherent: quapropter ipse Innocentius VI, antequam Papa fieret, appellabatur Cardinalis Claromontanus. Sic etiam oportuiffet Alduinum Audebertum vocari Cardinalem Antiffiodorensem: sed jam erant Cardinales duo, qui hanc sedem tenuerant, scilicet Talerandus Petrocoricensis, ac Petrus Crofius. Igitur Papa nepotem suum Magalonam transtulit, ut inde cognomen ferret. Sed hæc translatio formulæ fuisse videtur: nec apparet, Alduinum reipsa gubernasse Magalonensem Ecclesiam. Papa suus patruus ei tribuit eundem, quem ipse habuerat, titulum, nempe de S. Joanne ac Paulo.

§. XVII.

Papæ decreta.

Postquam coronatus fuerat Papa Innocentius, mox suspendit multas reservationes dignitatum in templis cathedralibus, aliorumque beneficiorum a Clemente VI in gratiam Cardinalium factas: & in sua conspectos curia Præfules, cæterosque beneficiarios in sui quemque bene-

Sæcul. XIV. beneficii loco residere iussit. Suorum
A.C. 1353. numerum domesticorum, sumptusque
 suos & omnium Cardinalium diminuit. De beneficiis ecclesiasticis, donec conferrentur, administratis condidit sanctionem, in qua dicit: Experientia docuit per administrationes plerumque servitium divinum, & curam animarum decrescere, hospitalitatem parum observari, ædificia corruere, ac beneficiorum jura tam sacris quam profanis in rebus dilabi. Igitur exemplo quorundam ex nostris antecessoribus, ac deliberatione cum fratribus nostris Cardinalibus habita omnium præfecturarum, dignitatum, ac beneficiorum secularium regulariumque administrationes cunctas, concessionesque similes omnino reteximus. Dabat 18 Maji anno 1353. Sustulit etiam alias res indignas; impunitatem percussoribus, dummodo cum cæsi cognatis transigerent, a Prætoribus suis modica pro pecunia datam; tributum meretricibus per eosdem impositum; ac tesserarum ludum multa in Superos maledicta cientem.

Id. n. 32.

Id. n. 29.

Sup.

Agendi modum a Cardinalibus futuro Papæ præscriptum infirmavit tanquam iniquum. Cum cæteris quidem in eum juraverat; sed restricte, si esset Juri congruens. His in litteris Papa inquit: Gregorius X, & Clemens V antecessores

cessores nostri fecerunt sanctiones, quæ prohibent, ne Cardinales vacante summa sede præter electionem Papæ ullum tractarent negotium. Præterea plenitudini potestatis, quam Deus ipse ac ore suo Papæ soli contulit, id, de quo sermo est, scriptum officit: quia certis eam constringit regulis. Hæc enim potestas non foret plena, si Papa penderet ex consensu, arbitrio, & concursu quorundam aliorum: & hæc juramenta temeraria nocerent reliquis Ecclesiis. Quocirca post maturam consultationem, ut omnis tollatur scrupulus, cum aliquot Cardinalibus, multisque Doctoribus & Jurisconsultis initam declaramus, Cardinales nullam sic scribendi potestatem habuisse; id scriptum esse nullum, nec posse quidquam efficere; nosque ac successores nostros Pontifices Maximos minime adstringi ad observationem ejus, aut connexorum cum eo juramentorum. Dabat 30 Junii anno 1353. Sed an non Papa & Cardinales ea, quæ hic enunciantur, omnia jam tum sciebant, cum suum decretum facerent?

Sæcul. XIV.
A.C. 1353.

§. XVIII.

*Ægidius Albornius Papæ in Italia
Legatus.*

Cunctas propemodum Italiæ urbes ac
loca Ecclesiæ Romanæ propria tunc
posside-